

« his dicta patrum et præteriorum constitutiones regum : sed et de promissione sua eum admonens, quam verbo ac scripto antequam rex consecraretur, primatibus et episcopis fecerat. » Et vero Jonas, qui ex subseguente tractatu, gradum nonum in suum, quem notavimus, librum transtulit, aliquot ante Hinemarum annis scribebat. Pamelius visum a se librum testatur, in quo tractatus iste Augustino quidem inscriptus erat, sed in margine habens nomen Ebrardi cujusdam substitutum. In Victorino et Corbeien-i codice haec super tractatum legunter : « Duodecim abusiva sunt sæculi haec : sapiens sine operibus, senex sine religione, adolescentis sine obedientia, femina sine pudicitia, dominus sine virtute, christianus contentiosus, pauper superbus, rex iniquus, episcopus negligens, plebs sine disciplina, populus sine lege. His duodecim abusivis suffocatur justitia. Haec sunt duodecim abusiva hujus sæculi, per quæ sæculi rota si in illa fuerit decipitur, et ad tartari tenebras, nullo impediente justitiae suffragio, per justum Dei judicium rotatur. »

DE DUODECIM ABUSIONUM GRADIBUS LIBER unus.



GRADUS PRIMUS. *Sapiens sine operibus.* Primus abusionis gradus est, si sine bonis operibus sapiens et prædicator fuerit : qui quod sermone docet, actibus explere neglit. Auditores enim doctrinæ dicta facere contemnunt, cum prædicatoris opera a prædicationis verbis discrepare conspicunt. Nunquam enim sit efficax prædicantis auctoritas, nisi eam effectu operis cordi affixerit andientis : præsertim cum et ipse doctor, si in' vitiorum amore delapsus fuerit, alterius doctoris medicamentum suis vulneribus adhibere parvipendit. Unde et ipse Dominus in Evangelio de doctrina pariter et bono opere discipulos instruere volens, qualem in his cautelam haberent admonebat, dicens : *Quod si sal evanuerit, in quo salietur (Matth. v, 13)*? Hoc est, si doctor erraverit, a quo iterum doctore emendabitur? Et, *Si lumen quod in te est, tenebrae sunt, ipsæ tenebrae quantæ erunt (Id. vi, 25)*? Si namque oculus a videndi officio desiverit, quis a manu, vel a pede, vel a reliquo corpore illud ministerium exiget? Quapropter doctores cogitent, ne ampliori vindictæ subjaceant, si plurimis¹ perditionis occasiōnēm abundantius præsent. Nam et ipse Salomon dum multæ sapientiæ transgressionem incurrit, totius Israëliticiæ plebis regni dispersionem solo suo merito præstisit. Quibus ergo committuntur multa, majora perdunt, si non recte dispensaverint rectoris² sui munera quæ perceperunt. Cui enim plus committitur, plus ab eo exigitur. Et servus qui voluntatem domini sui intelligens non facit, aerioribus flagellis gravioribusque vindictis vapulabit (*Luc. xii, 47*).

GRADUS II. *Senex sine religione.* *Duae res in homine non veterascentes.* Secundus abusionis gradus est, si sine religione senex esse inveniatur : cui cum membra exterioris hominis veterascent, vires animi, id est, interioris hominis membra, incrementa roboris non capiunt. Plus enim omnibus religioni operam dare senibus convenit, quos præsentis sæculi florida ætas transacta deseruit. Sicut namque in lignis ipsa reproba arbor comparet, quæ post flores fructus optimos cultori suo non exhibet : sic et in hominibus ipse reprobis est, quem flos juventutis deseruit, et tamen in sui corporis senectute bonorum operum maturos fructus proferre parvipendit. Quid enim stolidius fieri potest, si mens ad perfectionem festinare non contendat, quando totius corporis habitus senectute confectus ad interitum properat? Dum oculi caligant, aures graviter audiunt, capilli fluunt, facies in pallorem mutatur, dentes lapsi numero minuuntur, cutis arescit, satus non suaviter olet, pectus suffoca-

tur, tussis cachinat, genua trepidant, talos et pedes tumor inflat; etiam homo interior qui non senescit, his omnibus aggravator. Et haec omnia ruituram jamjamque domum corporis cito prænuntiant. Quid ergo superest, nisi ut dum hujus vitæ defectus appropiat, nihil aliud cogitare, quam quomodo futuræ vitæ aditus³ propere comprehendatur, quisque senex appetat? Juvenibus enim incertus hujus vitæ terminus instat, senibus vero cunctis maturior ex hac luce recessus. Cavendæ ergo sunt homini due particulæ, quæ in illius carne non veterascunt, et totum hominem secum ad peccatum pertrahunt, cor videlicet et lingua : quia cor novas semper cogitationes machinari non desinit, lingua impigre loquitur quodcumque cor machinari senserit. Caveat ergo senilis ætas, ne istæ juvenentes particulæ totam sui harmoniam decipient, et per res inæptas reliqui corporis gravitatem illudant. Unicuique namque considerandum est, quid ætate eminenti dignum sit : ut hoc agat, quod nec vitam, nec ætatem, nec ministerium vile reddat.

GRADUS III. *Adolescens sine obedientia.* *Pater quatuor modis dicitur.* Tertius abusionis gradus est, adolescentis sine obedientia, quo mundus a recto rationis ordine depravatur. Qualiter namque in senectute ille ministrari sibi sperabit⁴, qui in adolescentia senioribus obedientiam exhibere contemnit? Unde et in proverbio apud veteres habetur, *Quod dominari nequeat, qui prius alicui servitutem præbere denegat.* Propter quod et Dominus Jesus in temporibus sue carnis, dum adhuc ad legitimam ætatem doctoris non pervenerat, obedienter ministrationem parentibus suis exhibuit (*Luc. ii, 51*). Sicut ergo in senibus sobrietas et morum perfectio requiritur; ita etiam in adolescentibus obsequium et subjectio et obedientia rite debetur. Quapropter et in mandatis Legis primum in his quæ ad homines pertinent, patris et matris honor imperatur (*Exod. xx, 12*) : quia quamvis carnalis pater non supervixerit, aut indignus fuerit, alicui tamen patri digno et viventi paternus honor usque ad perfectam et dignam ætatem a filiis præbendus esse ostenditur. Quatuor etenim modis per Scripturas divinas patres vocantur; hoc est, natura, gente, admonitione, et ætate. De patre namque naturali Jacob ad Laban loquitur, *Nisi timor patris mei Isaac adfuisse, tulisses omnia quæ mea sunt (Gen. xxxi, 42)*. Gente vero pater dicitur, quando Dominus ad Moysen de rubro loquebatur, *Ego sum, inquiens. Deus patrum tuorum, Deus Abraham, Deus Isaac, Deus Jacob (Exod.*

¹ Hic addunt editi, morum.

² Corb. Ms., largitoris.

³ Ms. Corbeiensis, futuræ aditus prosperitatis. Apud Cyprianum, futura habitatio prospere.

⁴ Apud Cypr., aliis ministerium imperabit.

iii, 6). Aestate autem et admonitione pater dicitur; cum Moyses in cantico Deuteronomii loquitur, *Interroga patrem tuum, et annuntiabit tibi; maiores tuos, et dicent tibi* (Deut. xxxii, 7). Quod si ergo naturalis pater superstes non fuerit, aut indignus fuerit, admonenti tamen seniori adolescentis obedientia præbenda erit. Quomodo enim honoratus in senectute apparebit, qui disciplinæ laborem in adolescentia non sustinuerit? Quocumque enim homo laboraverit, hoc et metet. *Omnis namque disciplina in praesenti non videtur esse gaudii, sed mœroris: postea autem fructum pacatissimum exercitatis per eam reddet justitiae* (Hebr. xii, 11). Sicut ergo fructus non invenitur in arbore, in qua pampinus aut flos prius non apparuerit; sic et in senectute honorem legitimum assequi non poterit, qui in adolescentia disciplinæ alicujus exercitatione non laboraverit. Disciplina igitur absque obedientia, qualiter fieri potest? Adolescentis ergo sine obedientia, adolescentis sine disciplina est: quoniam et ipsa obedientia, quæ omnium disciplinarum mater est, magna exercitatione indiget, quæ sui normam studij a Christo Domino sumpsit, qui obediens Patri usque ad mortem, crueis ignominiam libenter sustinuit (Philipp. ii, 8).

GRADUS IV. Dives sine eleemosyna. *Amanda non sunt, quæ redamare nequeunt.* Quartus abusionis gradus est, dives sine eleemosyna, qui superflua usus sui, quæ custodienda in posterum recondit, indigenibus et nihil habentibus non distribuit: per quod efficitur, ut dum in terra quæsita diligenti cura custodit, cœlestis patriæ perennem thesaurum amittat. Ad quem thesaurum Dominus Jesus adolescentem divitem, qui illum de perfectione interrogaverat, ita respondens invitavit: *Si vis perfectus esse, vade, et vende omnia quæ habes, et da pauperibus, et veni, sequere me, et habebis thesaurum in cœlo* (Matth. xix, 21). Quem thesaurum nullus unquam hominum habere potest, nisi qui pauperibus solatia præstat, aut qui per se ipsum pauper est. Non ergo dormiat in thesauris tuis, quod pauperi prodesse potest. Dives namque, etsi multa congregaverit, his frui solus nequaquam poterit; quia unius hominis natura multis rebus non succurrit. (a) Quid ergo stultius est, quam propter unius hominis victum et vestitum, totam regni cœlestis perdere juunditatem, et aeternos inferni cruciatus absque consolationis præstolatione subire? Quod ergo aliquando per necessitatem amittendum est, pro aeterna remuneratione sponte distribuendum est. *Omnia enim quæ videntur, temporalia sunt; quæ autem non videntur, aeterna sunt* (II Cor. iv, 18). Quamdiu namque temporales sumus, temporalibus temporalia deserviunt: et cum hinc transierimus, aeternis aeterna solatiæ præstabuntur. Idecirco diligere non debemus ea quæ non semper habebimus, præsertim cum expertem rationis avarum divitem, thesauri sui, et agri, et omnia quæ habet, ostendant; quia toto cordis intuitu illas res amat, quæ nunquam se diligunt. Si enim aurum et argentum et agros et vestimenta et cibos et metallæ et bruta animalia quis dilexerit, haec omnia vicem sibi amoris rependere non posse, ipsa rerum natura ostendit. Quid ergo a ratione longius est, quam diligere quod te amare non valet; et negligere illum qui tibi ditioni cum dilectione omnia præbet? Propter hoc igitur non dilig mundus, sed dilig proximus a Deo precipitur (Matth. xxii, 39): quia proximus vicem sui amoris potest rependere, quod mundus minime posse non dubitatur. Sic enim inimicum esse diligendum Dominus præcepit (Id. v, 44), ut illa dilectio amicum illum ex inimico efficiat. Quisquis ergo dives cupidus, si vult aeternas habere divitias, distribuendo egenis perdat interim non mansuras. Si enim quod diligit non vendit, nemo emere potest quod cupit. Avari namque ideo in judicio a rectissimo iudice nuncupantur maledicti: quia qui præteribant eorum habitacula, non dicebant, *Benedictio Domini super vos,*

(a) Forte, sufficit.

benediximus vobis in nomine Domini (Psal. cxxviii, 8). Infelices ergo sunt avari divites, qui propter res transitorias in aeternam damnationem dilabuntur: et e contrario, *Beati sunt misericordes, quoniam ipsi misericordiam consequentur* (Matth. v, 7). Felix est misericors, dum in hac virtute non substantiam, sed affectum Deus requirit.

GRADUS V. Femina sine pudicitia. *Pudicitia duplex: corporis, animi.* Quintus abusionis gradus est, semiua sine pudicitia. Sicut enim omnes mores bonos procurat et custodit in viris prudentia; sic et in feminis cunctos honestos actus nutrit, et fovet, et custodit pudicitia. Pudicitia namque castitatem custodit, avaritiam refrenat, lites devitat, iram mitigat, libidinem occupat, cupiditatem temperat, lasciviam castigat, ebrietatem cavet, verba non multiplicat, gulæ concupiscentias oppugnat¹, furtum omnino damnat: Quid plura? Omnia vita restringit; et omnes virtutes, et quidquid coram Deo et hominibus bonis laudabile est, nutrit. Impudica vita nec laudem ab hominibus in praesenti sæculo, nec remunerationem a Deo exspectat in futuro. Pudica vero vita famam bonam inter homines possidet, et de spe futuræ beatitudinis gaudet. Præsentibus semetipsam imitabilem facit, posteris memoriam amabilem relinquit. Bonis semper moribus delectatur et consentit, et assiduis Scripturarum meditationibus et eloquiis animam vegetat. Bonorum præcedentium exempla custodit, et inseparabilia perfectis contubernia neclit. Duobus ergo modis constat vera pudicitia exercitatio, id est, corporis habitu et superficie, et animi affectu interno. Per exteriorem modum, juxta Apostolum, coram hominibus exempla, per interioremodum coram Deo providemus opera bona. Pudicitia namque corporis est, alienas res non appetere, et omnem immunditiam devitare, ante horam congruam non gustare velle, risum non excitare, verba vana et falsa non loqui, habitum per omnia ordinatum, compositionemque convenientem tam capillorum quam vestium sicut decet habere, cum indignis contubernia non inire, supercilioso intuitu neminem aspicere, vagari oculos non permittere, pompatico et illecebrosogressu non incedere, nulli inferiori in incepto bono apparere, nulli contumeliam aut ruborem in cutere, neminem blasphemare, bons non invidere, senes non irridere, meliori non controversari, de his quæ ignoras non tractare, et ea quæ scis non omnia proferre: hæc enim proximis amabilem hominem redundunt, et Deo acceptabilem faciunt. Pudicitia vero animæ est, plus propter Dei oculos quam hominum omnia bona facere, appetitiones turpium cogitationum compescere, omnes meliores se esse stimare, nemini invidere, de semetipso nihil confidere, Dei semper auxilio res omnes committere, ante Dei oculos semetipsum constituere, heretica pravitate sensum non maculare, catholicis per omnia consentire, Deo soli adhaerere, castitatem internæ mentis Domino Iesu Christo offerre, omnia cœpta bona opera mortis tantum termino finire, præsentes tribulationes animi fortitudine parvipendere, in terra præter proximos nihil amare, cuncti amoris sui thesaurum in cœlo constituere, et pro omni bono actu mercedem in cœlestibus a Deo sperare. Pudicitia ornamentum nobilium est, exaltatio humilium, nobilitas ignobilium, pulchritudo vilium², prosperitas laborantium, solamen mœrentium, augmentum omnis pulchritudinis, decus religionis, defensio criminum, multiplicatio meritorum, creatoris omnium Dei amicitia:

GRADUS VI. Dominus sine virtute. *Tria his qui dominantur necessaria. In dignitatibus alii meliores, deteriores alii sunt.* Sextus abusionis gradus est, dominus sine virtute: quia nihil proficit dominandi habere potestatem, si dominus ipse non habeat vir-

¹ Apud Cyprianum, purgat. In Ms. Corb., oppurgat.

² Alias, debilium.

tutis rigorem. Sed hic virtutis rigor non tam exteriori fortitudine, quæ et ipsa saecularibus dominis necessaria est, indiget, quam animi interiori fortitudine bonis moribus exerceri debet: sæpe enim dominandi virtus per animi negligentiam perditur, sicut in Heli sacerdote factum fuisse comprobatur; qui dum per severitatem judicii peccantes filios non coeruit, in eorum vindictam Dominus velut consentienti non pepercit (*I Reg. ii, 27-36*). Tria ergo necessaria hos qui dominantur habere oportet; terrorem scilicet, et ordinationem, et amorem. Nisi enim ametur dominus et metuatur, ordinatio illius constare minime poterit. Per beneficia ergo et affabilisatem procuret ut diligatur; et per justas vindictas, non propriæ injuriæ, sed legis Dei, studeat ut metuatur. Propterea quoque dum multi pendent in eo, ipse Deo adhærere debet; qui illum in ducatum constituit, qui ad portandum multorum onera ipsum veluti fortissimum solidavit. Paxillus enim nisi bene fixus firmetur, et alieni fortiori adhæreat, omne quod in eo pendet cito labitur; et ipse solitus a rigore suæ similitatis, cum oneribus ad terram delabitur. Sic et princeps nisi suo Conditori pertinaciter adhæserit, et ipse, et omne quod continet, cito deperit. Quidam namque per dominandi officium plus Deo appropinquant, quidam imposito sibi dignitatis honore deteriores sunt. Moyses enim accepto populi ducatu, familiarius Dei locutionibus utebatur (*Exod. xxxiii, 11*). Saül vero filius Cis postquam sceptra regni suscepit, per inobedientiæ superbiam Deum offendit (*I Reg. xv, 11*). Rex Salomon postquam patris sui David sedem obtinuit, Deus illum ultra omnes mortales velut ad innumerosi populi gubernationem sapientiae munere donavit (*III Reg. iii, 12*): e contrario vero Jeroboam servus Salomonis, postquam regni domus David partem occupavit, ad idolorum culturam decem tribus Israel, quæ erant in parte Samariæ, divertit (*Id. xii, 27-30*). Per quæ exempla evidenter ostenditur, quosdam in sublimiori statu ad majorem perfectiōnem crescere, quosdam vero per supercilium dominationis ad deteriora defluere. Per quod virumque intelligitur, eos qui ad meliora condescendunt, per virtutem animi et Dei auxilium posse id facere; et eos qui ad deteriora divertuntur, per mentis imbecillitatem pariter et negligentiam errare. Unde et dominum absque virtute fieri non deceat, quam virtutem nullatenus sine Dei auxilio habet. Qui enim nulla tuetur, si non habet fortitudinem animi, non valet id agere: quoniam magna magnis infestacionibus vel adversitatibus solent laborare. Omnis igitur qui præest, hoc primitus tota animi intentione procuret, ut per omnia de Dei adjutorio omnino non dubitet. Si namque coepit in actibus suis auxiliatorēm habere Dominum dominorum, nullus hominum contemptui poterit habere ejus dominatum: Non enim est potestas nisi a Deo (*Rom. xiii, 4*). Ipse enim elevat de stercore egenum, et sedere facit cum principibus populi sui (*Psal. cxii, 7*): et deponit potentes de sede, et exaltat humiles (*Luc. i, 52*), ut subditus fiat omnis mundus Deo, et egeat omnis gloria¹ Dei.

GRADUS VII. *Christianus contentiosus, Contentionis causæ.* An in mundo aliquid amari debeat. Septimus abusionis gradus est, christianus contentiosus: qui cum participationem nominis Christi per fidem et Baptismum suscepit, contra Christi dicta et propositum, mundi caduca delectamenta diligit. Omne enim, de quo contenditur, aut propter propriam ejus rei dilectionem, de qua agitor, aut propter alterius amorem, quæ sub odiosa specie latet, appetitur: quemadmodum, verbi gratia, bellum, animoso compugnantium conflictu, cum odiosa res sit, propter amorem victoriæ et libertatis peragitur; et multæ aliae dilectæ species sub odioso labore vel formidine satis contentiose expetuntur. Unde patenter intelligi-

tur, nihil contendi posse; nisi propter dilectionem, speratam scilicet et subsequenter amabilem remunerationem. Qui igitur de mundo praesenti ex quacumque causa contendit, perspicue ostendit quod illum diligit. Quomodo ergo mundum diligi per Iohannem Spiritus sancti sermones interdicunt, quibus ait, *Nolite diligere mundum, neque ea quæ in mundo sunt* (*I Joan. ii, 15*)? Mundi enim amor et Dei pariter in uno corde cohabitare non possunt; quemadmodum idem oculi cœlum pariter et terram nequaquam conspiciunt. Sed requirendum est, si vere in mundo aliquid sit, quod amari debeat; et quis sit ille mundus, quem diligi divina eloquia vetant. Terra ergo cum nascentibus ex ea, et metallis, et animalibus, et pulchritudine vestium, et oblectationibus ciborum, et iis quæ ad hæc pertinent, non diligi præcipitur; sed proximus, propter quem hæc omnia facta sunt, amari jubetur. Hæc enim omni prædicta, velut non mansura, ad cœlestem patriam pergentes concomitari nequeunt: proximi vero, velut mansuri regis coheredes, semetipsos licenter invicem diligunt. Quod ergo semper in mundo non manet et cum mundo pariter deliciet, et ipse mundus, non amari præcipitur. Proximus autem, qui est pars regni cœlestis in terra et inter ima elementa¹, a regni cœlorum appetitoribus non incongrue amat, dum in summa illa patria in æternum cohaeres habebitur. Propterea vero mundus præsens non diligi imperatur, ne a Dei dilectione alienus sæculi dilector quisque efficiatur. Non ergo debet contendi, quod non licet amari. Igitur christianus, qui nominis Christi similitudinem tenet, morum quoque ejus similitudinem habere debet. Christianus enim nemo recte dicitur, nisi qui Christo mōribus coæquatur. De Christo vero per prophetam ita scribitur: *Ecce puer meus quem elegi, electus meus, complacuit in illo sibi anima mea. Ponam spiritum meum super eum. Non contendet, neque clamabit, neque audiet aliquis in plateis vocem ejus* (*Isai. xlii, 45; Matth. xii, 48*). Ecce Christus non contendit, neque clamavit: et tu si morum Christi similitudinem retinere cupis, ne contendas; ne abusivus in Ecclesia christianus existas. Suis enim sectatoribus Christus præcepit, *Nolite vocari rabbi; unus est enim magister vester, qui est Christus: et patrem nolite vocare super terram; unus est enim Pater vester qui in cœlis est. Omnes enim vos fratres estis* (*Matth. xxiii, 8, 9*). Quibus ad supplicandum imperavit dicens, *Sic autem orabitis: Pater noster qui es in cœlis, sanctificeatur nomen tuum* (*Id. vi, 9*), et cetera. Frustra autem contendit Patrem se habere in terra, qui patrem et patriam profitetur se habere in cœlo: cuius patriæ possessor nemo efficitur, nisi qui de terrenæ patriæ contentione securus habetur.

GRADUS VIII. *Pauper superbus.* *Pauper spiritu, pauper humiliis.* *Nobilis pauper.* Octavus abusionis gradus est, pauper superbus, qui nihil habens, in superbiani extollitur: cum ē contrario divitibus sæcu*ri* non superbe sapere per apostolum Paulum imperetur (*I Tim. vi, 17*). Quid ergo stolidius potest fieri, quam illum, qui per iniām miseriam velut in terram abjectus, extremus et humiliis incedere et contristari debuerat, supercilioso superbiae tumore inflataū mentem contra Deum erigere? Per quod vitium lapsi corruerunt, qui in summo cœli conditi erant culmine. Quid ergo vult quasi potens in terra superbire, qui præ omnibus hominibus debuerat humiliis apparere? Sed ne de paupertate sua tristitiam habeant, quid a Deo recepturi sunt pauperes attendant: ipse enim inquit, *Beati pauperes spiritu, quoniam ipsorum est regnum cœlorum* (*Matth. v, 5*). Recta namque dispensatione misericors judex cœli regnum illis committit, quibus regni terrarum participationem inter mortales abstulit: ut ipse dives in cœli sede appareat, qui in terra nihil penitus procurat. Cavendum ergo pauperibus est, ne dum per

¹ Editi, et interim a regni, etc. Ms. Corb., ab inimisis regni, etc.

¹ Alias, erigatur gloria.

egestatem et necessitatem terrenum regnum perdunt, per mentis etiam imprudenter cœlorum regna amittant. Cum enim Dei dispensatione paupertatem necessariam acceperint, in ipsorum arbitrii pendet, virum pauperes spiritu sicut. Non enim quibuscumque pauperibus cœli regna promittuntur, sed his tantummodo in quibus divitiarum inopiam animorum humilias comitator. Pauper enim humilis, pauper spiritu appellatur; qui cum egenus foris cernitur, nunquam in superbiam elevatur: quamvis ad appetenda regna cœlorum plus valet mentis humilitas, quam præsentium divitiarum temporalis impertitas. Etenim humiles qui bene divitias possessas habent, possunt pauperes spiritu appellari: superbos autem nihil habentes, haud dubium est beatitudine paupertatis privari. De quibus utrisque sancta Scriptura ita loquitur: *Est quasi dives, cum nihil habeat, et est quasi pauper, cum in multis divitiis sit* (Prov. xiii, 7). Quasi pauper ergo in multis divitiis, est dives humilis spiritu: et nihil habens quasi dives est pauper superbis mentis affectu. Nobilis ergo inopia est mentis humilitas, et inepte divitiae sunt animorum enormitas. Providendum ergo pauperibus est, ut semetipsos qualis sint intelligant: et quia rebus consequi quod capiunt, non valent, mentis tamore superbire desinant.

GRADUS IX. Rex iniquus. Justitia regis. Ex rege inusto quo mala. Ex juxto rege quo bona. Nonus abusionis gradus est, rex iniquus. Etenim regem non iniquum, sed correctorem iniquorum esse oportet. Inde in semetipso nominis sui dignitatem custodiare debet: nomen enim regis intellectualiter hoc regnet, ut subjectis omnibus rectoris officium procuret. Sed qualiter alios corrigere poterit, qui proprios mores, si iniqui¹ sint, non corrigit? Quoniam in justitia regis exaltatur solium, et in veritate legis solidanter gubernacula populorum. Justitia vero regis est, neminem injuste per potentiam opprimere, sine acceptione personarum inter virum et proximum suum judicare; advenis et per illis et viduis defensorem esse, farta cohibere, adulteria punire, iniquos non exaltare, impudicos et histriones non nutritre, impios de terra perdere, parricidas et pejerantes vivere non sibi; Ecclesias defendere, pauperes eleemosynis ducere, justos super regni negotia constituere, scnes et sapientes et sobrios consiliarios habere, magorum et hariorum pythonissarumque superstitionibus non intendere, iracundiam differre, patriam fortiter et juste contra adversarios defendere, per omnia in Deo confidere, prosperitatibus non elevari animo, cuncta adversa patienter tolerare, fidem catholicam in Deum habere, filios suos non sinere impie agere, certis horis orationibus insistere, ante horas congruas cibum non gustare. *Vae enim terræ cuius rex puer est, et cuius principes mane comedunt* (Eccl. x, 16). Haec regni prosperitatem in præsenti faciunt; et regem ad cœlestia regna meliora perducunt. Qui vero regnum secundum hanc legem non dispensat, anultas nimis adversitates imperii tolerat. Idcirco enim pax populorum saepe rumpitur, offendicula etiam de regno suscitantur, terrarum quoque fructus diminuuntur, et servitia populorum præpediuntur, multi et varii doñores prosperitatem regni inficiunt, charorum et liberorum mortes tristitiam conferunt, hostium incursum provincias undique vastant, bestiæ armentorum et pecorū greges dilacerant, tempestates veris et hiemis² terrarum secunditatem et maris ministeria prohibent, et aliquando fulminum ictus segetes et arborum flores et pampinos quosque exurunt. Super omnia vero regis injustitia non solum præsentis imperii faciem offuscat, sed etiam filios suos et nepotes, ne post se regni hereditatem teneant, obscurat. Propter piaculum enim Salomonis, regnum domus

Israel Dominus de manibus filiorum ejus dispersit (III Reg. xi, 31); et propter justitiam David regis, lucernam de semine ejus semper in Jerusalem reliquit. Ecce quantum justitia regis seculo valeat, intentibus perspicue patet. Est enim pax populorum tutamen patriæ, immunitas plebis, munimentum gentis, cura languorum, gaudium hominum, temperies aëris, serenitas maris, terræ fecunditas, solarium pauperum, hereditas filiorum, et sibi meti spes futuræ beatitudinis. Attamen sciat rex, quod sicut in throno hominum primus constitutus es; sic et in pœnis, si justitiam non fecerit, primatum habiturus est. Omnes namque quoscumque peccatores sub se in præsenti habuit, supra se modo implacabili in illa futura pœna habebit.

GRADUS X. Episcopus-negligens. *Quid episcopus debeat gregi Quid sibi.* Decimus gradus abusionis est, episcopus negligens: qui gradus sui honorei inter homines requirit, sed ministerii sui dignitatem coram Deo, pro quo legatione fungitur (II Cor. v, 20), non custodit. Primo namque ab episcopo, quid sui nominis dignitas teneat, inquiratur; quoniam enim Episcopus græcum nomen sit, speculator interpretatur. Quare vero speculator positur, et quid a speculatori re requiritur, Dominus ipse denudat, cum sub Ezechielis propheta persona episcopo officii sui rationem denuntiat, ita inquiens: *Speculatorum dedite domini Israel. Audiens ergo ex ore meo sermonem, mutabitis eis ex me. Si autem rideris gladium venientem, et tu non annuntiaveris ut revertatur impius a via sua, ipse quidem impius ab iniquitate sua morietur, sanguinem autem ejus de manu tua requiram. Si autem tu annuntiaveris, et ille non fuerit reversus, ipse quidem in iniquitate sua morietur, sed tu animam tuam liberasti* (Ezech. iii, 17-19). Decet ergo episcopum qui omnium speculator positus est, peccata diligenter attendere: et postquam attenderit, sermone si potuerit et actu corrigere; si non potuerit, juxta Evangelii regulam scelerum operarios declinare. Si enim, inquit in Evangelio Dominus, *peccaverit in te frater tuus, corripe illum inter te et ipsum. Si te audierit, lacratus es fratrem tuum: si te non audierit, adhuc tecum adhuc unum vel duos, ut in ore duorum vel trium stet omne verbum. Si illos non audierit, dic Ecclesiæ. Si Ecclesiæ non audierit, sit tibi sicut ethnicus et publicanus* (Matth. xviii, 15-17). Tali ordine expellendus est, quicumque doctori vel episcopo adhaerere noluerit. Et qui tali ordine expulsus fuerit, ab alio aliquo doctore vel episcopo non debet recipi. De sacerdote namque in lege scribitur: *Viduam aut repudiatam non accipiat uxorem* (Lerit. xxi, 7). Qui ergo illum excommunicatum a catholicis, illo non permittente, sibi jungit; iura sacerdotii sancti, quod Christianorum genus electum est, excedit. Hac ratione episcopum ad eos quibus in speculatione positus est, esse oportet. Cæterum vero qualis in semetipso esse debeat, Paulus apostolus exponit, ut ad gradum episcopi veniens sit sobrius, prudens, castus, sapiens, modestus, hospitalis, filios habens subditos, cum omni castitate, testimonium habens bonum ab his qui foris sunt, proferens doctrinæ fidem sermonem, ante episcopatum non plures habens uxores quam unam; non perclusor, non bilinguis, non ebriosus, non neophytus (I Tim. iii, 2-4): ut per haec ostendat in opere, quod alios docet in sermone doctrinæ. Caveant ergo negligentes episcopi, quod in tempore vindictæ Dominus per prophetam conqueritur dicens, *Pastores mei³ demoliti sunt populum meum; et non pascebant gregem meum pastores, sed pascebant semetipso* (Ezech. xxiv, 8). sed potius procurent hi, quos constituit Dominus super familiam suam dare illis cibum in tempore suo mensuram tritici (Luc. xii, 42), puram scilicet et probatam doctrinam, quatenus veniente Domino mereantur audire, *Euge serve*

¹ Jonas Aurel. totum hunc Gradum tanquam ex Cypriano inserens, de Institutione regia, cap. 5, legit, ne iniqui.

² Alias, aeris et hemisphaeria turbat terrarum, etc.

³ Ms. Corb., muti. Apud Cyp., multi.

bone et fidelis : quia supra pauca fuisti fidelis, supra multa te constituam; intra in gaudium Domini tui (Matth. xxv, 23).

GRADUS XI. Plebs sine disciplina. Disciplina quid. Undecimus abusionis gradus est, plebs sine disciplina; quae cum disciplinæ exercitationibus non servit, communè se perditionis laqueo constituit; iram enim Domini absque disciplinæ rigore non evadit. Atque idcirco Psalmistæ vocibus indisciplinatae plebi prædicatur, *Apprehendite disciplinam, ne quando irascatur Dominus (Psal. II, 12)*. Disciplina vero est morum ordinata correctio, et majorum præcedentium regularum observatio: de qua disciplina Paulus apostolus ita loquitur, dicens: *In disciplina perseverate, tanquam filii vobis offert se Deus. Quod si extra disciplinam estis, cujus participes facti estis omnes, ergo adulteri et non filii estis (Hebr. XII, 7, 8)*. Qui ergo adulteri sunt, sine disciplina sunt, et cœlestis regni hæreditatem non capiunt: si filii autem paternæ disciplinæ correcti non ferunt, et hæreditatem quandoque recipere posse non desperant. De qua etiam disciplina Isaías indisciplinatae plebi prædicat, dicens: *Quiescite agere perverse, discite bene facere (Isai. I, 16, 17)*. Et ad eamdem Psalmista consona voce psallit dicens: *Declina a malo, et fac bonum (Psal. XXXIII, 15)*. Infelix ergo est qui abjecit disciplinam: audet enim extra milites aliquid, qui Dominum crucifigentes non ejus sciderunt tunicam, qui Ecclesiæ Christi scindit disciplinam. Sicut enim tunica totum corpus præter caput legitur; ita disciplina omnis Ecclesia præter Christum, qui Ecclesiæ caput est, et sub-disciplina non est, protegitur et ornatur. Ipsa enim tunica contexta desuper fuerat per totum (Joun. XIX, 24, 25); quia eadem disciplina Ecclesiæ a Domino de cœlo tribuitur et integratur. De qua Dominus cum ad Patrem ascendisset postquam resurrexit a mortuis, ad Apostolos suos loquebatur dicens, *Vos autem sedete in civitate, quoadusque induamini virtute ex alto (Luc. XXIV, 49)*. Tunica ergo corporis Christi, disciplina Ecclesiæ est: qui autem extra disciplinam est, alienus est a corpore Christi. *Non scindamus igitur illam, sed sortiamur de illa cuius sit (Joun. XIX, 24)*: id est, non solvamus quidquam de mandatis Domini, sed unusquisque in quo vocatus est, in eo permaneat apud Dominum.

GRADUS XII. Populus sine lege. Duodecimus abusionis gradus est, populus sine lege: qui dum Dei dieta, et legum scita contemnit, per diversas errorum vias prævaricationis laqueum incurrit. De quibus viis sub persona prævaricatoris populi humanum genus propheta ita deplangit: *Nos autem sicut oves erravimus, unusquisque in viam suam declinarit (Isai. LIII, 6)*: de quibus viis etiam Sapientia loquitur per Salomonem, *Multæ viæ videntur hominibus rectæ, et novissima earum deducunt ad mortem (Prov. XIV, 12)*. Quæ utique multæ perditionis viæ tunc incedunt, cum una regalis via, lex Dei videlicet, quæ neque ad dexteram neque ad sinistram declinat, per negligenciam deseritur. De qua via Dominus Jesus Christus, qui est finis legis ad justitiam omni credenti (Rom. X, 4), denuntiat: *Ego sum via, veritas et vita. Nemo venit ad Patrem nisi per me (Joan. XIV, 6)*. Ad quam viam omnes homines communiter inquit dicens: *Venite ad me, omnes qui laboratis et onerati estis, et ego vos reficiam (Matth. XI, 28)*. *Quia non est personarum acceptio apud Deum (Rom. II, 11)*: ubi non est Judæus et Grecus, masculus et femina, seruos et liber, Barbarus et Scytha; sed omnia in omnibus Christus: omnes enim unum sunt in Christo Jesu (Galat. III, 28). Dum ergo Christus finis est legis (Rom. X, 4), qui sine lege sunt, sine Christo sunt: igitur populus sine lege, populus sine Christo est. Abusivum ergo est in temporibus Evangelii populum sine lege fieri, quando Apostolis in cunctas gentes licentia prædicationis data est (Matth. XXVIII, 19), quando tonitrum Evangelii per cunctas saeculi partes intonuit; quando gentes quæ non sectabantur justitiam, apprehenderunt justitiam (Rom. IX, 30); quando qui longe fuerant, facti sunt prope in sanguine Christi (Ephes. II, 15); qui aliquando non populus. Nunc autem populus Dei in Christo (Rom. IX, 25): quando est tempus acceptabile et dies salutis (II Cor. VI, 2) et tempora refrigerii in conspectu Altissimi; quando unaquæque gens habet testem resurrectionis, quando ipse Dominus protestatur, *Ecce ego vobiscum sum omnibus diebus usque ad consummationem saeculi (Matth. XXVIII, 20)*. Non siamus ergo sine Christo in hoc tempore transitorio; ne sine nobis Christus esse incipiat in futuro.

ADMONITIO IN TRACTATUM SUBSEQUENTEM.

Locum hic suum, quem ex instituto per nos ordine initio Appendicis postulat, non totum occupabit opus illud, quod Hieronymus Vignierius in partem Supplementi primam transtulerat, hoc titulo prænotatum: « Tractatus de septem Vitiis et septem Donis Spiritus sancti » incipiens, « Septem sunt vitia principalia. » Id a Vignierio repertum est inter sanctorum patrum monumenta impressa Parisiis, anno 1654, cura Guillermi Camerarii, Scoti, et congregatione Oratorii presbyteri, qui Augustino, non ab antiquis codicibus, sed tantum a multis viris doctis tribui dicit. Verum habetur hoc ipsum apud Hugonem Victorinum in libro Allegoriarum in Matthæum secundo, cap. 5. Eidem Allegoriarum libro, cap. 19, insertum etiam est opusculem aliud de Donis Spiritus sancti, hoc exordio: « Scriptum est, Si enim vos cum sitis mali, » etc., quod ejusdem Camerarii auctoritate, pro Augustini Sermone dederat Vignierius in eadem Supplementi parte, non longe ante dictum tractatum de septem Vitiis. Huic porro tractatui conjunctum recte esset istud opusculem, quod et summam habet cum illo affinitatem, et confert non nihil ad ejus integritatem. Opusculo enim sejuncto imperfectus videtur tractatus, aut titulo saltem per Vignierum præfixo, qua parte de Donis Spiritus sancti inscribitur, haudquam respondens. Cæterum aptior est apud Hugonem inscriptio tractatus in hunc modum: « De septem Peccatis mortalibus, contra quæ valent orationis dominicæ petitiones: » cum nihil aliud sit nisi quedam dominicæ orationis septemque ejus petitionum adversus septem vitia expositio. Hugoni porro suus ille tractatus maneat, multis, si res posceret, argumentis ipsi asserendus. Confer, si lubet, librum ipsius de Sacramentis, part. 15, cap. 1, et Summæ sententiarum tractatum 5, cap. 16, ubi eadem plane ratione septem vitia descripta reperies. Iisdem quoque verbis hic definitum in genere vitium, atque in libro ejus Miscellaneorum primo. Quid sit Dei nomen, expositum non secus ac in alio tractatu Hugonis super Magnificat: ei de captanda Dei benevolentia initio precationis similia cum hoc libello habet tractatus ejusdem de Modo orandi. Postremo tractatus, quem scripsit de quinque Septenis, sive Septenariis, editus in citato libro 2 Allegoriarum, cap. 15, auctorem plane eundem cum tractatu de septem Vitiis refert.